

Roslinda Binti Abdul Razak

From: Unit Komunikasi Korporat
Sent: Tuesday, March 28, 2017 4:50 PM
To: UUM - All Staff; UUM - All Students
Cc: Staf - Pesara UUM
Subject: Kerjasama Dengan CMI Jadikan Program MBA OYAGSB Lebih Kompetitif



Unit Komunikasi Korporat
CORPORATE COMMUNICATION UNIT
Universiti Utara Malaysia



28 MAC 2017 / 29 JAMADILAKHIR 1438H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Mohd Amir Aizat Sainon
Gambar oleh: Hairul Nizam Zahari

KERJASAMA DENGAN CMI JADIKAN PROGRAM MBA OYAGSB LEBIH KOMPETITIF



UUM ONLINE: Kuala Lumpur - Bagi menjadikan program Sarjana Pentadbiran Perniagaan (MBA) lebih kompetitif dan relevan dengan keperluan pasaran, Othman Yeop Abdullah Graduate School of Business (OYASGB), Universiti Utara Malaysia (UUM) memeterai kerjasama dengan Chartered Management Institute (CMI), sebuah institusi akreditasi profesional untuk pengurusan yang berpangkalan di United Kingdom (UK).

Pemeteraian MoA itu disempurnakan Naib Canselor, Prof Dato' Seri Dr Mohamed Mustafa Ishak dan Ketua Akreditasi CMI, Brian Wilkinson di Hotel Intercontinental, hari ini.

Naib Canselor berkata, tujuan kerjasama ini dimeterai adalah untuk menambah nilai program MBA melalui penawaran dwi-akreditasi atau dwi-persijilan selaras dengan usaha OYASGB untuk mencapai wawasannya menjadi *Eminent Graduate Business School*.

"MoA ini meliputi penawaran sijil CMI beserta dengan program MBA sebagai satu pakej dan menerusi MOA ini, pelajar yang sudah melengkap kredit pembelajaran CMI akan mendapat sijil CMI, di samping ijazah sarjana setelah memenuhi syarat program MBA.

"Pelajar yang mendapat sijil CMI akan diiktiraf sebagai Chartered Manager (CMgr) iaitu status tertinggi yang boleh dicapai dalam pembangunan profesional berterusan (CPD). Justeru pensijilan ini akan membantu pelajar membangunkan kerjaya mereka," katanya.

Tambah Naib Canselor, kerjasama dengan CMI itu juga menjadi manifestasi kualiti program MBA dan menaikkan imej dan reputasi OYAGSB terutamanya sebagai salah sebuah sekolah perniagaan terkemuka.

CMI yang mempunyai lebih 80,000 ahli ditubuhkan pada tahun 1947 dengan tujuan utama untuk membangunkan pembangunan pengurusan. Selain itu, ia turut melibatkan diri secara aktif dengan agensi kerajaan di UK mengenai pembentukan dasar tentang pengurusan dan isu-isu perniagaan.

Sementara itu, Ketua Akreditasi CMI, Brian Wilkinson berkata kerjasama ini akan mengiktiraf UUM sebagai rakan global pertama CMI dalam kalangan Universiti Awam di Malaysia.

"Status Chartered Manager akan disertakan di dalam program MBA akan membezakan program MBA OYAGSB dengan program-program MBA lain. Status ini akan diberikan kepada pelajar setelah tamat mata pelajaran yang dikenal pasti oleh CMI (5 mata pelajaran).

"Pensijilan ini akan meningkatkan reputasi profesional pelajar, membantu mereka meningkatkan kemahiran, meningkatkan pekerjaan dan membuat keputusan yang lebih baik," ujanya.

Hadir sama Dekan OYAGSB, Prof. Zeljko Sevic dan pegawai-pegawai kanan UUM.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
04-928 3048/3049/3052/3061
04-928 3053
ukkuum@uum.edu.my
Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.